



Služba za privredu

Broj: 02/1-14-18-1049/2023
Breza, 19.04.2023. godina

Stručna služba Općinskog vijeća

- Ovdje

PREDMET: Odgovor na vijećničku inicijativu, dostavlja se

Na 27. redovnoj sjednici Općinskog vijeća, održanoj dana 30.03.2023. godine, u okviru vijećničkih pitanja, vijećnik Adnan Rahimić podnio je vijećničku inicijativu koja se odnosi na formiranje „turističke zajednice“ na općini Breza. Razlog donošenja je od javnog interesa i koristi koje bi Općina Breza imala.

U vezi sa vijećničkom inicijativom, dajemo sljedeći odgovor:

Zakon o turizmu (Službene novine Zeničko-dobojskog kantona“, broj: 12/22) predviđa osnivanje Turističke zajednice Zeničko-dobojskog kantona, te je omogućeno i osnivanje općinskih/gradskih turističkih zajednica. U skladu sa članom 69. stav (1) Zakona o turizmu turistička zajednica općine/grada se osniva radi razvoja turizma, unapređenja turizma i promocije turizma na području jedinice lokalne samouprave i privrednih interesa pravnih i fizičkih lica koja pružaju ugostiteljske i druge turističke usluge ili obavljaju druge djelatnosti neposredno povezane s turizmom. Članom 51. stav (2) navedenog zakona propisano je da jedinica lokalne samouprave u skladu sa potrebama i planovima u oblasti turizma može osnovati turističku zajednicu ili poslove obavlja služba nadležna za oblast turizma.

S tim u vezi, potrebno je ispitati privredni interes pravnih i fizičkih lica koja pružaju ugostiteljske usluge i druge turističke usluge ili obavljaju druge djelatnosti koje su neposredno povezane s turizmom te izvršiti analizu potreba i planova u oblasti turizma kao i izvore finansiranja. Članom 55. stav (1) Zakona o turizmu prihodi turističke zajednice su: prihodi iz budžeta osnivača, prihodi ostvareni preraspodjelom boravišne takse, prihodi od obavljanja djelatnosti iz člana 54. stav (2) ovog zakona (upravlja dobrima i resursima koji su joj dati na upravljanje odlukom osnivača u skladu sa posebnim propisima (izletišta, lovišta, parkovi, plaže, jezera, rijeke, prirodno i kulturno-historijsko nasljeđe), organizira manifestacije i priredbe, objavljuje turističke komercijalne oglase u oglasnim medijima, prodaje suvenire, ulaznice, turističke karte i brošure, osim sopstvenog promotivnog materijala, obavlja i druge poslove od javnog interesa koji su u funkciji razvoja turizma i koji nisu u suprotnosti sa ovim zakonom i drugim propisima), prihodi po osnovu učešća u posebnim domaćim i međunarodnim programima saradnje, prihodi od donacija, kreditna zaduženja uz prethodnu saglasnost osnivača, prihodi iz drugih izvora. Pored navedenog potrebno je uzeti u obzir i ekonomsku opravdanost osnivanja turističke zajednice odnosno uraditi procjenu ekonomske opravdanosti osnivanja turističke zajednice Općine Breza.

Odluku o osnivanju turističke zajednice općine/grada, na prijedlog načelnika/gradonačelnika, donosi općinsko/gradsko vijeće. Turistička zajednica ima svojstvo pravnog lica i upisuje se u sudski registar čiji organi su: nadzorni odbor i direktor. Direktor turističke zajednice općine se imenuje na period od četiri godine, putem javnog oglasa u skladu sa Zakonom o ministarskim, vladinim i drugim imenovanjima u FBiH.

U skladu sa gore navedenim u narednom periodu potrebno je razmotriti sve pojedinosti i razloge te potrebe osnivanja turističke zajednice Općine Breza.

Obrađivač: Amela Omerhodžić

Dostavljeno:
1 x Naslov
1 x a/a

Pomoćnik načelnika

Salih Hasanspahić

Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik
Služba za privredu
Broj:02/1-9-19-1050/2023
Breza, 17.04.2023. godine



Bosnia and Herzegovina
Federation of Bosnia and Herzegovina
Zenica-Doboj Canton
MUNICIPALITY OF BREZA
Municipal mayor

OPĆINSKO VIJEĆE BREZA - SLUŽBA OPĆINSKOG VIJEĆA -

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana 30.03.2023. godine, vijećnica Herco Faida je postavila vijećničku inicijativu koja se odnosi na vršenje predmjera i predračuna radova i iznalaženje mogućnosti asfaltiranja nekategorisane ceste koja je označena ka k.č. 45KO Gornja Breza, zvana Banjevac Založje, a koja se u katastarskom operatu Općine Breza vodi kao društvena svojina javno dobro putevi.

Ista glasi:

INICIJATIVA

Da se u toku tekuće godine iznađe mogućnost da se izvrši asfaltiranje nekategorisane ceste koja je označena kao k.č. 45 KO Mahala i k.č. 1107 KO Gornja Breza, zvana Banjevac Založje, a koja se u katastarskom operatu Općine Breza vodi kao DR.SV. Javno dobro putevi.

Obrazloženje

Nekategorisana cesta Banjevac Založje služi kao pristupna saobraćajnica stambenim objektima koji su izgrađeni sa obe strane ceste a povezuje naselja Banjevac i Založje. Zbog velike frekvencije saobraćaja koji se odvija cestom u toku ljeta zbog velike prašine otežani su uslovi življenja lokalnog stanovništva, a u toku zime zbog fizičkih oštećenja ceste (udarne rupe) i neredovnog održavnja onemogućen je pristup stambenim objektima i komunikacija između ova dva naselja.

Od strane mještana i privrednog društva „Termobeton“ d.o.o. Breza u više navrata se radila rekonstrukcija ceste i djelimično su izvedeni radovi na zamjeni zemljanih masa kamenim tamponom. Međutim, nije bilo mogućnosti da se izvedu asfalterski radovi a mještani su i dalje zainteresirani da se uključe u sufinansiranje projekta.

Predlažem da se od strane nadležne službe izade na lice mjesta, izvrše mjerenja i uradi predmjer i predračun potrebnih radova. Takođe, predlažem da se ostvari komunikacija sa zainteresiranim sufinansijerima, a po mom mišljenju ima ih mnogo (mještani i privredna društvima koja koriste predmetnu cestu) i da se sporazumno utvrdi način realizacije projekta koji je predmet ove inicijative.

U vezi postavljene vijećničke inicijative dajemo sljedeći odgovor :

Po dobijanju vijećničke inicijative, tehnička lica nadležne službe su izašla na teren, tj. na nekategorisanu saobraćajnicu Banjevac-Založje. Tom prilikom izvršeno je detaljno snimanje svih ulaznih tehničkih parametara, kako bi se što kvalitetnije izradio predmjer i predračun radova s finansijskim presjekom potrebnim sredstava.

U toku su aktivnosti na izradi osnovne projektne tehničke dokumentacije- projektog prijedloga asfaltiranja ulice Banjevac-Založje, i isti će se sastojati od situacionog plana, tehničkog opisa, predmjera i predračuna radova s finansijskim presjekom vrijednosti investicije.

Po izradi finansijskog presjeka potrebnih sredstava za asfaltiranje predmetne dionice, uz prethodno ispitivanje tržišnih cijena, izvršit će se i komunikacija s zainteresiranim sufinansijerima, kako bi se utvrdio način realizacije postavljene inicijative.

Obrađivač: Rašida Mušanović

Dostavljeno
1 x Naslov
1 x evidencija
1 x a/a

Pomoćnik načelnika

Salih Hasanspahić